



Broj: 02-04-505/22-AP-3
Datum: 16.02.2022. godine

OPĆINSKO VIJEĆE ZAVIDOVIĆI
n/r PREDSDJEDAVAJUĆOJ OPĆINSKOG VIJEĆA
gospođa Erna Merdić Smailhodžić

PREDMET: Odgovori na vijećnička pitanja sa 13. sjednice Općinskog vijeća Zavidovići održane 31.01.2022. godine, dostavljaju se

Povodom vijećničkih pitanja postavljenih na 13. sjednice Općinskog vijeća Zavidovići održanoj 31.01.2022. godine, dostavljamo odgovore na iste kako slijedi:

1. VIJEĆNIČKO PITANJE VIJEĆNIKA FERIDA KAKNJAŠEVIĆ

Vijećnik Ferid Kaknjašević: Na osnovu članova 8. i 87. poslovnika o radu Općinskog vijeća Zavidovići upućujem vijećničko pitanje Službi za upravu privrede, lokalni razvoj, infrastrukturu i međunarodnu saradnju koje glasi:

Postoji li u okviru navedene službe (ili neke druge općinske službe) timovi za pisanje projekata koji su usmjereni na dovođenje stranih investitora i prijavu na natječaje sa viših nivoa vlasti, a sve u cilju razvoja i ulaganja u lokalnu zajednicu.

Ako isti postoje molim Vas da mi navedete broj i personalni sastav.

Odgovor zahtijevam u pisanoj formi.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-31/22 od 16.02.2022. godine): U okviru općinskih službi za upravu ne postoje posebno formirani timovi za pisanje projekata.

U skladu sa Pravilnikom o unutrašnjoj organizaciji jedinstvenog općinskog organa uprave Općine Zavidovići („Službeni glasnik Općine Zavidovići“, broj: 1/22 i 2/21) kroz makro i mikro šemu utvrđena je sistematizacija radnih mjesta sa utvrđenim opisom poslova za svako radno mjesto.

U skladu sa navedenim, u Službi za upravu privrede, lokalni razvoj, infrastrukturu i međunarodne poslove:

1. stručnu pripremu i obradu zahtjeva za finansiranje projekata, izradu projektnih prijedloga i aplikacija iz nadležnosti službe, koji se finansiraju iz sredstava viših nivoa vlasti, fondova, finansijskih, međunarodnih i drugih organizacija i
2. stručnu pripremu i obradu zahtjeva za finansiranje projekata, izradu projektnih prijedloga i aplikacija iz nadležnosti Službe za potrebe mjesnih zajednica, udruženja građana i drugih

zainteresovanih subjekata koji se finansiraju iz sredstava viših nivoa vlasti, fondova, finansijskih, međunarodnih i drugih organizacija, vrše: pomoćnik načelnika i stručni saradnik za pravna pitanja i pripremu investicija; uz obavljanje i ostalih poslova pojedinačno određenih u 38 tačaka gore pomenutog Pravilnika koje su u nadležnosti rukovodioca i 20 tačaka - opisa poslova za stručnog saradnika u navedenoj Službi.

3. poslove uspostavljanja, održavanja i unapređenja kontakata sa domaćim i međunarodnim i nevladinim organizacijama; obavlja Šef odsijeka za lokalni razvoj, infrastrukturu, upravljanje projektima i međunarodnu saradnju.

Viši stručni saradnik za ruralni razvoj - obavlja poslove vezana za podsticajne programe općine i viših nivoa vlasti u smjeru razvoja poljoprivredne proizvodnje i ruralnog razvoja iz nadležnosti Službe za upravu poljoprivrede, vodoprivrede i komunalnih poslova.

Pomoćnici načelnika u drugim službama i šefovi odsjeka iniciraju kod Službi za upravu privrede, lokalni razvoj i međunarodnu saradnju pripremu zahtjeva za finansiranje projekata, izradu projektnih prijedloga i aplikacija iz nadležnosti Službi, koji se finansiraju iz sredstava viših nivoa, fondova, finansijskih, međunarodnih i drugih organizacija iz svoje nadležnosti.

2. VIJEĆNIČKA PITANJA VIJEĆNIKA ŠEMSE FEHRIĆ

1. Vijećnik Šemso Fehrić: U skladu sa članom 89. Poslovnika o radu OV Zavidovići, postavljam vijećničko pitanje:

„Koliko vremenski traje izdavanje dozvole za rad vlasniku koji pokreće vlastiti obrt na području općine Zavidovići, i koliko je potrebno sredstava za pokretanje obrta?“

Dodatno pojašnjenje:

Molim da se tok dobijanja dozvole za rad obrta na području općine Zavidovići predstavi i grafički (hodogramom ili algoritmom). U algoritmu navesti službe koje su zadužene za izdavanje određenih akata, koliko vremenski traje izdavanje tih dokumenata po pojedinim službama Općine i koliko koštaju pojedini dokumenti izdati od strane ovih službi?

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-31/22 od 16.02.2022. godine): U Federaciji BiH stupio je na snagu novi Zakon o obrtu i srodnim djelatnostima, koji je objavljen u „Službenim novinama F BiH“, broj: 75/21.

Fizičko lice, može obavljati obrt u osnovnom, dopunskom i dodatnom zanimanju.

Fizičko lice koje ispunjava opšte uslove i nema zasnovan radni odnos, može obavljati obrt kao osnovno zanimanje.

Fizičko lice koje ispunjava opšte uslove i ima zasnovan radni odnos, može obavljati obrt kao dopunsko i dodatno zanimanje. Dopunsko zanimanje se obavlja isključivo samostalnim radom i to najduže 20 sati sedmično. Obrt kao dodatno zanimanje se obavlja putem zaposlenika. Fizičko lice koje ispunjava opšte uslove i koje je ostvarilo pravo na penziju, može obavljati obrt kao dopunsko zanimanje, bez vremenskog ograničenja.

Postupak osnivanja obrta fizičko lice pokreće podnošenjem zahtjeva nadležnoj Službi za upravu privrede, lokalni razvoj, infrastrukturu i međunarodnu saradnju Općine Zavidovići.

Ako fizičko lice želi obavljati obrt u vanjskotrgovinskom poslovanju, to je dužno navesti u zahtjevu.

Dokumentacija koju je potrebno dostaviti uz zahtjev za registraciju obrta zavisi od vrste i predmeta djelatnosti koja će se obavljati, ali se uglavnom svodi na sljedeću dokumentaciju:

1. Uvjerenje o državljanstvu (pribavlja nadležna služba po službenoj dužnosti),
2. Uvjerenje o poslovnoj sposobnosti - Centra za socijalni rad (pribavlja nadležna služba po službenoj dužnosti),
3. Uvjerenje o radnoj sposobnosti - JU Dom zdravlja,
4. Uvjerenje Općinskog suda u Zavidovićima da pravomoćnom sudskom presudom, rješenjem o prekršaju ili upravnim aktom nije izrečena zaštitna mjera zabrane obavljanja obrta dok ta mjera traje - Općinski sud Zavidovići,
5. Dokaz o radnom odnosu ili rješenje o penzionisanju (ukoliko se obrt obavlja kao dopunsko ili dodatno zanimanje),
6. Diploma - svjedočanstvo o završnom obrazovanju za navedeno zanimanje,
7. Dokaz o posjedovanju poslovnih prostorija koje ispunjavaju minimalne uslove tehničke opremljenosti poslovnog prostora - (ZK izvod ili Ugovor o zakupu poslovnog prostora),
8. Izjava o minimalnim uslovima opremljenosti poslovnog prostora (ovjerena) – obrazac - Služba za upravu privrede, lokalni razvoj, infrastrukturu i međunarodnu saradnju,
9. Potvrda o mjestu prebivališta – CIPS,
10. Dokaz o uplati općinske administrativne takse ili dokaz o oslobađanju plaćanja općinske administrativne takse za izdavanje rješenja u iznosu od 150,00 KM u skladu sa Odlukom o općinskim administrativnim taksama Općine zavidovići („Službeni glasnik Općine Zavidovići“, broj: 7/17, 6/20 i 2/21).

Za djelatnosti koje su regulisane posebnim kantonalnim propisima, a mogu se obavljati kao obrt, fizičko lice uz zahtjev podnosi i druge dokaze u skladu sa tim propisima.

Rješenje kojim se odobrava obavljanje obrta nadležni organ donosi u zakonskom roku od sedam dana od dana podnošenja urednog zahtjeva, a uspostavljena praksa Službe za upravu privrede, lokalni razvoj, infrastrukturu i međunarodnu saradnju je da se rješenje donosi isti dan ili roku od 24 sata od predaje urednog zahtjeva.

Na rješenje se može izjaviti žalba u roku od osam dana od dana prijema rešenja.

Nakon pravosnažnost rješenja, kojim se odobrava obavljanje obrta potrebno je pribaviti ID broj, koji se izdaje kod nadležne Kantonalne porezne uprave Zenica.

Taksa na izdavanje rješenja kojim se odobrava obavljanje obrta iznosi 150,00 KM.

U skladu sa Odlukom o općinskim administrativnim taksama („Službeni glasnik Općine Zavidovići“, broj: 7/17, 6/20 i 2/21) takse su oslobođena nezaposlena lica i lica iz člana 9. navedene Odluke.

Iz navedenog proizilazi da su takse za izdavanje rješenja za odobravanje obavljanja obrta oslobođena lica koja osnivaju obrt kao osnovno zanimanje, obzirom da obrt kao osnovno zanimanje može registrovati samo lice koje je nezaposleno.

Također, nezaposlena lica kao i ostala lica koja su Odlukom o općinskim administrativnim taksama oslobođena plaćanja ne plaćaju ovjeru dokumentacije.

Taksa na izdavanje Uvjerenja od strane Općinskog suda Zavidovići i Uvjerenje o radnoj sposobnosti se plaćaju kod organa kod kojih se navedeni dokumenti pribavljaju.

2. Vijećnik Šemso Fehrić: U skladu sa Članom 89. Poslovnika o radu OV Zavidovići, postavljam vijećničko pitanje:

„Kolika su mjesečna primanja članova upravnih/nadzornih odbora institucija u kojima članove imenuje OV Zavidovići po osnovu rada u tim odborima?“

Obrazloženje:

Mislim da i ovu oblast treba urediti jednoobrazno, kao i plate u tim institucijama, kako nebi imali drastična odstupanja po pojedinim institucijama.

Odgovor na vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-15/22-AP-43 od 11.02.2022. godine): Mjesečna naknada članova Upravnih odbora JU “Centar za socijalni rad”, Zavidovići, JU “Gradski dječiji vrtić”, Zavidovići, JU “Javna biblioteka”, Zavidovići i JU “Centar za kulturu”, Zavidovići u skladu sa članom 7. Odluke o standardima i kriterijima za imenovanje na upražnjene pozicije u reguliranim tijelima Općine Zavidovići (“Službeni glasnik Općine Zavidovići, broj: 6/2014, 1/2015 i 3/2017) iznosi 30,00 KM, a naknada predsjednika navedenih Upravnih odbora se uvećava za 20 %.

Mjesečna naknada članova Upravnog odbora JU “Dom zdravlja” Zavidovići u skladu sa članom 7. Odluke o standardima i kriterijima za imenovanje u Upravni odbor Javne ustanove “Dom zdravlja” Zavidovići (“Službeni glasnik Općine Zavidovići“, broj: 4/2012, 2/2015 i 5/2020) iznosi 200,00 KM, a naknada za predsjednika se uvećava za 20 %.

3. VIJEĆNIČKO PITANJE VIJEĆNIKA DEMIRA BULJUBAŠIĆ

Vijećnik Demir Buljubašić: Na osnovu člana 8. i 87. Poslovnika o radu Općinskog vijeća postavljam pitanje:

- volio bih da mi se dostavi kopija ugovora sa potpisanim preduzećem o redovnom održavanju regionalnog puta R-466
- konkretno me interesuje koje su to ugovorene usluge koje spadaju pod redovno održavanje regionalnog puta.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-31/22 od 16.02.2022. godine): Dana 10.02.2022. godine Vaše pitanje je proslijeđeno u nadležnost Kantonalnoj direkciji za ceste. Po prijemu odgovora isti će vam biti dostavljen.

4. VIJEĆNIČKA PITANJE VIJEĆNIKA HARISA HODŽIĆ

1. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Koliko je finansijski sredstava od 2016. godine isplaćeno/prebačeno sa transakcijskih računa općine Zavidovići na ime rekonstrukcije i sanacije Nacionalnog spomenika Stara džamija Rujnica.

Direktno pitanje:

Tražimo od nadležne općinske službe da nam dostavi pregled uplata i isplata na ime rekonstrukcije i sanacije Nacionalnog spomenika Stara Rujnička džamija od 2016. godine pa do danas. Uz odgovor potrebno je dostaviti informaciju koliko je sredstava doznačeno od viših

nivoa i donatora (Kanton, Federacija, Država, Predsjedništvo i drugi donatori koji su sredstva za rekonstrukciju nacionalnog spomenika uplatili na transakcijski račun općine Zavidovići) a koliko sa općinskog nivoa.

Odgovor na ovo pitanje treba da sadrži sljedeće informacije: datum uplate/isplate, naziv pravnog lica/ustanove/donatora, iznos uplate donatora/općine/kantona/federacije, iznos isplate/prebačenih sredstava na ime rekonstrukcije nacionalnog spomenika Stara Rujnička džamije.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravljanje privredom, lokalni razvoj, infrastrukturu i međunarodnu saradnju, broj: 03-45-550/22-AP-3 od 21.02.2022. godine): Tabelarni pregled uplata i isplata na ime rekonstrukcije i sanacije Nacionalnog spomenika Stara Rujnička džamija:

Naziv projekta	Izvori finansiranja	Iznos uplate	Datum uplate	Iznos isplate	Datum isplate izvođaču radova	Izvođač radova
Restauracija nacionalnog spomenika Stara džamija u selu Rujnica	Ministarstvo za obrazovanje, nauku, kulturu i sport ZDK	25.000,00	28.09.2018.	25.000,00	08.03.2019.	"Neimari" d.o.o. Sarajevo
	Ministarstvo za rad, socijalnu politiku i izbjeglice ZDK	30.000,00	04.09.2019.	30.000,00	03.12.2020.	"Bišina" d.o.o. Mostar
	Član Predsjedništva BiH - Šefik Džaferović	15.000,00	23.01.2020.	2.067,82	03.12.2021.	"Bišina" d.o.o. Mostar
	Član Predsjedništva BiH - Šefik Džaferović		23.01.2020.	12.932,18	04.04.2021.	"Bišina" d.o.o. Mostar
	IVZ Medžlis Zavidovići	26.000,00	03.10.2019.			
	IVZ Medžlis Zavidovići	10.000,00	08.11.2019.			
				10.138,68	06.04.2021.	"Bišina" d.o.o. Mostar
				3.247,10	02.06.2021.	"Construct Projekt" d.o.o.
				4.269,65	06.10.2021.	"Bišina" d.o.o. Mostar

				250,00	06.10.2021.	"Construct Projekt" d.o.o.
				2.351,35	07.12.2021	"Construct Projekt" d.o.o.
				15.743,22	16.12.2021.	"Bišina" d.o.o. Mostar
	Budžet Općine					
		2.187,24		2.187,24	2019	"Neimari" d.o.o. Sarajevo
		1.023,75		1.023,75	2019	"Construct Projekt" d.o.o.
		12.559,33		12.559,33	2021	"Bišina" d.o.o. Mostar
	Ukupno iz budžeta Općine			15.770,32		
Ukupan iznos uplate		121.770,32				
Ukupan iznos isplate				121.770,32		

2. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Koliko građane općine Zavidovići koštaju usluge preduzeća koja vrše nadzor nad zimskom održavanju gradskih, prigradskih i strmih ulica, javnih površina i lokalnih puteva na području općine Zavidovići?

Direktno pitanje:

Tražim od nadležne općinske službe da nam dostavi spisak preduzeća/pravnih lica koja su vršila nadzor nad zimskom održavanju gradskih, prigradskih i strmih ulica, javnih površina i lokalnih puteva na području općine Zavidovići tokom 2019, 2020 i 2021. godine za naznakom pojedinačnih iznosa koji su plaćeni na ime usluga nadzora.? Također, potrebno je dostaviti i imena izvođača koja vrše nadzor u 2022. godini sa podatkom o iznosu ugovorene usluge.

Uz odgovor na vijećničko pitanje tražim i podatke o broju kazni i evidenciji propusta kroz građevinski dnevnik, a koja su nadzorna preduzeća uputila izvođačima radova.

Odgovor na ovo pitanje treba da sadrži sljedeće informacije: Godina, naziv pravnog lica, iznos godišnje usluge nadzora, broj kazni/evidencija propusta izvođača radova.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-31/22 od 16.02.2022. godine): Vrijednost ugovora o vršenju stručnog nadzora nad zimskim održavanjem lokalnih cesta na području općine Zavidovići za sezonu 2019./2020. godinu je 6.984,90 KM, nadzorni organ „CONSTRUCT PROJEKT“ d.o.o. Zavidovići.

Vrijednost ugovora o vršenju stručnog nadzora nad zimskim održavanjem lokalnih cesta na području općine Zavidovići za sezonu 2020./2021. godinu je 6.977,88 KM, nadzorni organ „CONSTRUCT PROJEKT“ d.o.o. Zavidovići.

Vrijednost ugovora o vršenju stručnog nadzora nad zimskim održavanjem lokalnih cesta na području općine Zavidovići za sezonu 2021./2022. godinu je 6.201,00 KM, nadzorni organ „IBIS“ d.o.o. Zavidovići.

Nadzor se vrši nad 74,43 kilometra lokalnih cesta.

Nadzor nad gradskim i prigradskim ulicama vrše nadležni općinski inspektori, te za vršenje ovih poslova nisu posebno plaćeni već iste obavljaju u okviru radnih obaveza.

U toku izvještajnog perioda ugovori o zimskom održavanju lokalnih cesta, gradskih i prigradskih ulica su uredno izvršavani, te nije bilo umanjenja prema izvođačima radova.

3. Vijećnik Haris Hodžić: Kad je u pitanju kapitalni transfer mjesnih zajednica podrška projektima od nadležne službe zahtijevam dodatno pitanje da mi se definiše pojam transfera kapitalni transfer mjesnim zajednicama i opiše koji su to projekti koji se mogu pokrivati ovim transferom.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-31/22 od 16.02.2022. godine): Pojam kapitalni transfer podrazumijeva nepovratno novčano davanje nižim ili višim nivoima vlasti ili ustanovama u svrhu realizacije kapitalnih ulaganja od značaja za taj nivo vlasti odnosno ustanovu.

5. VIJEĆNIČKA PITANJA VIJEĆNIKA ZAHIDA AVDIČEVIĆ

1. Vijećnik Zahid Avdičević: Gospodine načelnice, Radno predsjedništvo, kolege i kolegice vijećnici, građani općine Zavidovići, pomoćnici načelnika, gosti sve vas srdačno selamim i pozdravljam. Evo ja nemam nijednu inicijativu ni vijećničko pitanje. Imam jednu molbu, pardon dvije molbe. Probo sam kroz pitanja i inicijative, sugestije, nije urodilo plodom. Pješački prelaz ispod Pošte. Pređete fino pješački i uđete tamo u gepek od nekog auta koje je parkirano. Zamoliću nadležnu službu da u saradnji sa Policijskom upravom ispod Pošte, svi dobro znamo, ulaz u Poštu pješački prelaz tamo na drugoj strani je znači parkirano jedno od auta tako da pješaci ne mogu prolaziti.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-31/22 od 16.02.2022. godine): Općina Zavidovići će u narednom periodu u okviru redovnog održavanja gradskih i prigradskih ulica nastojati obezbijediti pješački prolaz izgradnjom trotoara na pomenutoj lokaciji.

2. Vijećnik Zahid Avdičević: Druga sugestija to jest molba ponovo za nadležnu službu, proba sam kroz Odluku o bezbjednosti saobraćaja, a nije ni to urodilo plodom, a tiče se parking mjesta za evo paraplegičare, većinom koji koriste većinom paraplegičari kog Gradske džamije da od tri postojeća mjesta naprave dva da bi ti ljudi koji koriste invalidna kolica mogli redovno da dolaze, a ima samo dvije osobe koje dolaze na svaki namaz, tako da je ljudima vrlo otežan izlazak iz auta. Evo, da od postojeća tri znači da se preprave na dva mjesta. Zahvaljujem.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-31/22 od 16.02.2022. godine): Prilikom izvođenja radova na obilježavanju vertikalne signalizacije na gradskim ulicama izvršit će se obilježavanja navedenih parking mjesta u skladu sa Uredbom o prostornim standardima, urbanističko-tehničkim uslovima i normativima za sprječavanje stvaranja arhitektonsko-urbanističkih prepreka za osobe sa umanjnim tjelesnim mogućnostima („Službene novine Federacije BiH“, broj: 48/2009).

6. VIJEĆNIČKO PITANJE VIJEĆNIKA SAMIRA SKEJIĆ

1. Vijećnik Samir Skejić: Zamolio bi nadležnu općinsku službu da nam saopšti informaciju u kojoj fazi je postupak izrade unificiranih izvještaja o poslovanju javnih preduzeća.

Odgovor na vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-15/22-AP-43 od 11.02.2022. godine): U skladu sa Zaključkom OV-a Zavidovići, broj: 01-04-615/21-AP-8 od 11.05.2021. godine, kojim je prihvaćena Inicijativa vijećnika OV-a Zavidovići Ajdina Polića za „izradu standardizovanog izvještaja o radu i finansijskom poslovanju za javne ustanove“ Služba za upravu društvenih djelatnosti, pitanja boraca i opću upravu je dana 22.12.2021. godine pripremila, u saradnji sa Službom za upravu finansija, budžet i trezor Općine Zavidovići, kao i vijećnikom OV-a Zavidovići Ajdinom Polićem (predlagач predmetne Inicijative), prijedlog / obrazac za izradu unificiranog oblika izvještaja o radu i finansijskom poslovanju javnih ustanova / preduzeća, čiji je osnivač Općina Zavidovići za 2021. godinu (kao i za naredne godine), koji je dostavljen na sljedeće adrese:

- JU “Centar za kulturu” Zavidovići,
- JU “Javna biblioteka” Zavidovići,
- JU “Centar za socijalni rad” Zavidovići,
- JU “Dom zdravlja” Zavidovići,
- JU “Gradski dječiji vrtić” Zavidovići,
- Služba za upravu ekonomskih poslova i poduzetništvo (radi prosljeđivanja RAZ-u),
- Služba za upravu poljoprivrede, vodoprivrede i komunalnih poslova (radi prosljeđivanja JKP „Radnik“),
- Općinsko vijeće Zavidovići (radi prosljeđivanja Komisiji za budžet, finansije i ekonomska pitanja),
- Općinski načelnik (na znanje),
- Općinski vijećnik Ajdin Polić (na znanje).

7. VIJEĆNIČKO PITANJE VIJEĆNIKA REFIKA ĆATIĆ

Vijećnik Refik Ćatić: U ulici Oslobođilaca Gostović (kod vulkanizerske radnje Kalaba/Auto centar Begović/ ima se problem sa početkom pravljenja deponije otpada. Obrazloženje: Na tom mjestu su bili postavljeni kontejneri KP Radnik, da bih njihovom

politikom poslovanja uklonjeni bili i postavljena obavijest o terminima odvoza istoga uz odlaganje u vrećama. To se nije pokazalo dobrim jer iste su cijepane i pomalo to smeće je pravilo problem, a i vizuelno je ružna slika deponije na samom ulazu u grad. Kao kruna svega, i nepopularno rješenje KP Radnik postavlja zabranu odlaganja uz nepopularne prijetnje sankcionisanja. Navodno sav ovaj problem je nastao kao zbog odlaganja auto guma od ova dva subjekta, i ako jeste građani koji plaćaju svoj odvoz nebih trebali da to osjete to na taj način. Kao činjenicu uslikat ću vam par slika Selam, cijelo naselje je riješeno odvozom otpada u vrećama, vozila JKP radnik tri puta sedmično odveze otpad. Ima neodgovornih građana koji sebi puno uzimaju za pravo i odlaze svakakv otpad. Ošišano voće nije komunalni otpad, tako i građevinski otpad se posebno vozi. Prelazak na vreće i ukidanje kontejnera se pokazalo kao veliki uspjeh. Trabaju inspekcije da počnu raditi svoj posao i kažnjavati. Tim putem prolaze dva inspektora svaki dan najmanje dva puta (Alma i Aner, muž i suruga jedno općinski inspektor a drugo kantonalni) i vide sve i ne pišu prijave. Gume mi preuzimamo od pravnih lica a tu imaju dva koja bacaju gume umjesto da ih drže na svojoj parceli što znači opet inspekcija jer otpad nije odložena na predviđeno mjesto.

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-23/22-AP-34 od 15.02.2022. godine): Navedena lokacija je trenutno očišćena i od guma i od svih drugih vrsta otpada. Međutim, ono što još uvijek predstavlja problem na navedenoj lokaciji, jesu povremeni slučajevi odlaganja manjih količina određenih vrsta otpada od strane neodgovornih pojedinaca. Obzirom da se radi o pojedinačnim slučajevima i da su to sada, ipak rijetke pojave i puno manje količine odloženog otpada, vjerujemo da zajedničkom aktivnošću samih građana koji žive na tom području i koji će biti spremni da prijave takve neodgovorne pojedince i skorim upošljavanjem novog komunalnog inspektora (bivši komunalni ispektor u junu / 2021. prešao na novo radno mjesto u Kantonalnu upravu za inspeksijske poslove) može da se u potpunosti spriječi bilo kakvo odlaganje otpada na navedenoj lokaciji.

S poštovanjem

Dostavljeno:

1. Naslovu,
2. U spis.

OPĆINSKI NAČELNIK

Dr. sci. Hašim Mujanović

Obradio: _____
(Nermin Čahtarević)